

বেহেস্তের বয়ান।

A DESCRIPTION OF HEAVEN.

—:~:—

মুগনিফ্ ।

শ্রীবিপিন বিহারী শাহ ।

কলিকাতা ;

চৌরঙ্গী রোড ২৩ নং ভবনে প্রকাশিত ।

বেহেস্তুর বয়ান ।

বেহেস্তু উমদা জগা সব লোকে জানে । খোদার
বসতি সেথা সকলেতে মানে ॥ ফেরিস্তা আছয়ে সেথা
হাজার হাজার । কে করে শুমার বল তাকত কাহার ॥
খোদাবন্দ আছে বসি তখত্ উপর । আস্‌মান ছুনিয়া
চলে তাঁহার নজর ॥ কোন চিজ নাহি ছিপা তাঁহার হজুর ।
রোশন করিয়া আছে সে জনার নুর ॥ পাক বলি খোদা-
ওন্দে সকলেতে জানি । পাক বলি ছুনিয়াতে সকলে
বাখানি ॥ নাপাকি তাঁহার কাছে পোঁছিবারে নারে ।
জগা নাহি দিবে সেথা আল্লা গুনাগারে ॥ কাহারে করিতে
গুনা বেহেস্তু মাঝারে । হুকুম না দিবেক আল্লা মোতের
পরে ॥ আদালত পরে মোমিন খুশি হাসিল করে । গুনা-
গার পরে গজব আল্লা আসি পড়ে ॥ কেহ গুনাহ করতে
নারে থাকিয়া সেথায় । যে করে সে যায় পড়ি খোদার

গোসায় ॥ ধড়ে থেকে যবে জান জুদা হয়ে যাবে । কেহ
 বা বেহেস্তে কেহ দোজাকেতে রবে ॥ ইরাদা আপন
 দিলে সকলেতে করে । যাইবে ঐ বেহেস্তেতে এ ছুনিয়া
 ছেড়ে ॥

কোরান বেহেস্ত বয়ান যেই তরেহ করে ।
 মুফস্বিল শুনাইব তোমাদের ঘরে ॥ নানান মুস্বিল
 আদমি হৈয়ে গিয়া পার । আখের পৌঁছবে গিয়া বেহে-
 স্তের দ্বার ॥ দ্বারের উপরে আছে নবীর তালাও । চলিতে
 ফিরিতে তুমি নজুদিগেতে যাও ॥ যত মঞ্জিল আছে দেখ
 তাহার চওড়াই । ততই পাইবে তুমি তাহার লম্বাই ॥
 উল্ কাতর দরয়া আছে বেহেস্ত অন্দর । তাহা হতে
 আসে পানি তালাও ভিতর ॥ খুশবুতে মাত করে তালা-
 বের পানি । মুসকের খুশবু তাহে আছে নাকি শুনি ॥
 সেতারা বাহার করে যেমন আশ্মান । কিনারায়
 তেমনি আছে পেয়লা সাজান ॥ মোমিন যখন গিয়া
 পৌঁছবে সেথায় । হাতে করে লবে বাটি জনায় জনায় ॥

সেই পানি পিলে নাকি শুনি একবার । পেয়াসা না হবে
কভি ইন্সান আবার ॥ এ হয় আওল খুশি বেহেস্তের
দ্বারে । নানান আছয়ে আরও বলিব তোমারে ॥ খেয়ালে
চলহ তুমি সাতেতে আমার । আজব দেখিবে নানা
একের পরে আর ॥ বহুত বড় ফাটক আছে দুয়ার
উপর । মণি মুক্তা এই সব তাহার পাথর ॥ আল্লা-
মিয়া গড়িয়াছে যত ইমারত । ইট মাটি দেখাইবে
কাহার তাকত ॥ নীচে পানে নিগা করি দেখ এক
বার । সফেদ গোমের ময়দা মাটি হয় তার ॥ খোড়া-
মাটি তুলে লও আপনার হাতে । মজার মজার বু
পাবে তুমি তাতে ॥ দোর ছাড়ি চল যাই বেহেস্ত
মাঝার । ইমারত দেখ সব বানান সোনার ॥ এক
দরখত আছে দেখ ঠিক বিচ্খানা । তাহার ধড়েতে দেখ
সিরফ খাটি সোনা ॥ তুবা নামে সেই পেড় আছয়ে মশুর ।
ডালি তার পৌঁছিয়াছে বহু বহু দূর ॥ হরেক মোমিন
তরে আছে একডাল । তরেহ তরেহ আছে তাহে খাই-
বার মাল ॥ ডালিগ আঙ্গুর আছে বড় বড় দানা । হাজার

তরের পাবে ফল তাতে নানা ॥ লজ্জত সুন্দর তার
 আদমি নাহি জানে । তাকত কাহার্ আছে সে কথা
 বাখানে ॥ আর এক মজা দেখ পেড়ের বাবত । উঠিতে
 পেড়েতে নাহি হবে জরুরত ॥ নুয়ে ডালি আস্বে তবে
 মোমিনের হাতে । নানা রকম ফল নিয়া আপনার সাথে ॥
 তখন মোমিনগণ ভাঙ্গিয়া লইবে । আপনার মর্জ্জর মত
 সকলে খাইবে ॥ দরখত তুবাতে বাকি যত ফল রবে ।
 বকতে সকল সেই ফাটিয়া পড়িবে ॥ জানোয়ার হবে
 বাহির সে সকল হতে । মোমিনগণ ধরে লয়ে চড়িবে
 তাহাতে ॥

লেখা আছে বেহেশ্তেতে দাখিল হইলে । খানা দিবে
 খোদাতালা মোমিন সকলে ॥ বড় খানা হবে ভাই
 সেখানে তখন । হাজার হাজার লোক খাইবে যখন ॥
 কি মজা হইবে তবে সেথা দেখিবারে । মোমিন বসিবে
 যবে খানা খাইবারে ॥ সবুজ রঙ্গের পোষ পরিয়া সবাই ।
 বসিবে খাইতে খানা সবে এক ঠাঁই ॥ মণি মুক্তা জড়া
 পোষ কে দেখেছে কবে । সেরেফ মোমিন ভেস্বে

খোদা হতে পাবে ॥ চারি পাসে খাদিমগণ করিবে খিদ-
মত । উদুল করিবে হুকুম কি হয় তাকত ॥ এই তরেহ
খানা খেতে বসিবে যখন । আসিবে তাদের মাঝে
আল্লাই তখন ॥ খুদ সেই খানা তবে আল্লা খাওয়াইবে ।
মোমিনের হাতে রুটি খোদা নিজে দিবে ॥ খানার বয়ান
ভাই এ রকম আছে । কেমনে তফসির তার করি তব
কাছে ॥ বড় বড় দু এক বাত বলে যাই শুন । মছলি
হইবে সেখা নাম যার নূন ॥ গোস্ত হইবে সেখা
বয়েল বালাম । কেতাবেতে আছে লেখা ঐ তার নাম ॥
ছনিয়া হইবে রুটি আল্লা দিবে হাতে । ভাঙ্গিয়া লইবে
মোমিন আপনার পাতে ॥ সত্তর হাজার খাবে কলিজা
তাহার । তমাম না হবে তবু বাকি রবে আর ॥

খানা খেয়ে সর্ব জনে আশুদা হইলে । যাইবে হরেক
জন আপন বাকুলে ॥ নোকর পাইবে সেখা আশিহি
হাজার । যাহারা করিতে থাকে তার ইন্তেজার ॥
বাহাত্তর জরু পাবে পোঁছিয়া তথায় । যাহারা
হাজির রবে আল্লার কথায় ॥ বাহাত্তর জরু রবে

বাহান্তর ঘরে । তখনি পাইবে তারে দিল চাবে যারে ॥

খানা খাবে হররোজ জরুদের সাথে । সোনার
মেজেতে আর ভাল সোনার পাতে ॥ সরাবেতে রাত
দিন থাকিবে মগন । সরাবের কমি নাহি হবে কদাচন ॥
বেহেশ্তের মাঝে দিয়া দরিয়া বহিবে । যে যত পারিবে
সেথা আনিয়া খাইবে ॥ আশুদা যে নাহি হবে তুলিয়া
খাইয়া । দরিয়ায় পড়িবে সেই তবে ঝাঁপ দিয়া ॥ গোঁতা
মেরে মনের সকে খাইবে তখন । আশুদা না হবে দিল
তার যত ক্ষণ ॥ এই সব মজা সেথা হর রোজ হইবে ।
মোমিন একামে কভি থকে নাহি যাবে ॥ হামেশা থাকিবে
সেথা জোয়ানি তাহার । বিমারি না ঘেরিবেক সেথা-
নেতে আর ॥



শুনিলে ভেষ্তের কথা কোরাণ বাহা কয় । ইঞ্জিলে
বেহেশ্ত বয়ান এই তরেহ হয় ॥ পাক বেহেশ্তের
কথা তবে শুন ভাই । দিল দিয়া কর ইন্সাক সেরেফ
ইহা চাই ॥ ধড়ের মাঝেতে রবে যত রোজ জান । পিয়াসা

বা ভূকা হবে জানিবে ইনসান ॥ দেহেরে বাঁচাবা তরে
 যত জরুরত । শরম ঢাকিবা তরে পোষ খুব্‌সুরত ॥ দেহে
 থেকে জান যবে জুদা হয়ে যাবে । এ সকল জরুরত
 তখন নাহি রবে ॥ তার গাওয়াহ দেখ যদি খানা নাহি
 পায় । দুসরা দিনে জিসম তার শুকাইয়া যায় ॥ কম-
 জোর হইলে জিসম জান বাঁচা ভার । রফ্তে রফ্তে
 হয়ে পড়ে আদমি লাচার ॥ দেহ থেকে জান যবে জুদা
 হৈয়ে যাবে । কে বল খানা খেয়ে জিসম্ বাঁচাইবে ॥
 জানের নাহিক কাম খানা পিনা সাথে । কে পারে খাইয়া
 খানা জানেরে আনিতে । অতএব খানা বিনা জিসম মরে
 যায় । যেমনকার জান তেম্‌নি হামেশাতে রয় ॥ বেহে-
 স্তেতে এই তরেহ যদি খেতে হয় । ছুনিয়া সে হবে তবে
 বেহেস্ত তো নয় ॥ সেথা যদি খাই মোরা হেথা
 যথা খাই । তফাওত বল তবে কিবা হল ভাই ॥
 দেখহ মোদের জিসম এই ছুনিয়াতে । তৈয়ার হইয়াছে
 ইহা খুন জিসমেতে ॥ অএছা দেহ নাহি যাবে সেথা
 মোদের সাথে । বাঁচাইতে পারে তবে হইবে খাইতে ॥

তবে কি মোদের জিমস হবে না কখন । জরুর হইবে
 বটে আর তরেহ জান ॥ রুহানী হইবে জিমস ক্ষয় নাহি
 যার । জিন্দিগি যার নহে মকুফ খানার উপর ॥ রুহানী
 হইবে খানা খাইতে পাইব । যখন খাইব তখন জানিতে
 পারিব ॥ জিসমানি খানা সেথা খাইব না মোরা । বেহেশ্ত
 জিস্‌মানি নহে জানা আছে সারা ॥ দুনিয়াবি জিসম
 মোদের ক্ষয় হয়ে যায় । ধড় ছেড়ে জান যবে দেখ জুদা
 হয় । বেহেশ্তে যাইয়া তার যে জিমস হয় । আরেক
 তরের তাহা জানিহ নিশ্চয় ॥ আর এক তরের খানা
 তবে তার চাই । রুহানী খানা জিমস তারে জান ভাই ॥
 বেদানা আঙ্গুর তুবা যত বল আর । কিছুরি হইবে নাক
 সেখানে দরকার ॥ সেরেফ যদি খানা খাণ্ডা রংকরা হয় ।
 জিমস পূজা হয় তারে আক্কেল মন্দে কয় ॥ জিমস পূজা
 হইবে না সেখানে কখন । রুহদিয়া রুহ আল্লায় ভজিব তখন ॥
 বেহেশ্তেতে জরুরত ফাটকের নাই । চোর ডাকাইত সেথা
 পাবে নাক ঠাঁই ॥ অথবা দাখিল যারা হইবে সেথায় ।
 বাহির হইতে তারা কভি নাহি চায় ॥ এমন উমদা জগা

ছাড়িয়া যাইতে । কেহ নাহি চাহিবেক আপন দিলেতে ॥
 ইঞ্জিল বলে বেহেশ্তের বার দ্বার আছে । বড় বড় দুয়ার
 সে বলি কার কাছে ॥ একই সমুচা মতি এক দ্বার হয় ।
 মেলাও তাহাতে আর কিছু নাহি রয় ॥ পথ ঘাট যত
 তার পাকা সোণা মত । চমক করিছে তাহে আছে চিজ
 যত ॥ দিনে আলো দিবা তরে সূরজ নাহি চাই । রাতের
 আলোর তরে চাঁদ সেথা নাই ॥ খোদার বররাহ যিনি
 মসীহ্ ঝাঁর নাম । রোশন করিয়া আছে বেহেশ্তের ধাম ॥
 নজাত পাইবে যেতনা ছুনিয়া হইতে । সেই নুরে বেড়া-
 ইবে দিনে, আর রাতে ॥ নগরের ভিত দেখ জওয়াহর
 হয় । ভিতে ভিতে নানা মতি সদা চমকায় ॥ এই তরেহ
 নানা বাত ইঞ্জিলেতে কয় । সচ মুচ তাই কি বেহেশ্তেতে
 হয় ॥ এসব তমসিল কথা সকলেতে কয় । তমসিল এসব
 কথা জানিহ নিশ্চয় ॥ জগার তারিফ বয়ান করিবার
 তরে । এই সব লেখা আছে ইঞ্জিল ভিতরে ॥ এই সব
 পাক খুশির শুনহ বচন । ইঞ্জিলেতে আছে এই সবে
 বর্ণন ॥ নাপাকির কথা তুমি সেথা নাহি পাবে । মজিবে

না আদ্মি সেথা ছরে ও সরাবে ॥ জিসমানি খাহেশ
 সেথা পূরা করিবারে । উমদা ২ ঘরে লোকে রাখিবার
 তরে ॥ বানান হয়েছে ভেস্তু যে জন বলিয়াছে । আসল
 বাতে সেই জন গল্‌তি করিয়াছে ॥ এক দ্বার আছে
 যাতে ভেস্তু মোরা যাই । তাহার বয়ান তবে করি শুন
 ভাই ॥ খোদাওন্দ ঈশা মসীহ্ হয় সেই দ্বার । তাহা
 দিয়া হয়ে যাই মোরা নবে পার ॥ তাহা দিয়া যেই জন
 সেথা নাহি যায় । বেহেস্তেতে সেই জন জগা নাহি
 পায় ॥ ভেস্তু যাবার সেই বই দ্বার আর নাই । যাইতে
 তোমায় হবে সে জনার ঠাঁই ॥ ইমান আনিতে হবে
 তাহার উপর । তাহা হলে হবে দাখিল বেহেস্ত অন্দর ॥
 মারা যাবে বক্তে তুমি যদি ধর আরে । কেহ নাহি
 পারে তোমে লয়ে যেতে পারে ॥ পাক পাকিজা সে
 সর্ব লোকে জানে । খোদাওন্দ বলি তারে ফেরেস্তারা
 মানে ॥ আগাদের বেহেস্তেতে দাখিল করিবারে ।
 খুলিল নজাতের রাহ দুনিয়া উপরে ॥ জিসম ধরিল
 আসি এহি দুনিয়াতে । কাটাল অনেক দিন ইন্সানের

সাতে ॥ পাক হবা তরে লোকে নসিহত দিল। পাক
নসিহত তার জবানেতে ছিল ॥ আমাদের বল্ গুনাহ
মিটাবার তরে। অবশেষে দিল জান গাছের উপরে ॥
নজাত দেহিন্দা হল নিজ জান দিয়া। ইন্সানের তাবত্
গুনা নিজ পরে লিয়া ॥ বেহেশ্তে বাবার তরে সেই এক
দ্বার। তাহা দিয়া হতে হবে আমা সব পার ॥ তাহারে
ধরহ তুমি বাঁচাইবা জান। দাখিল হইবা তুমি আখেরে
আস্মান ॥ দোস্তের তরেতে জান অনেকে দিয়াছে।
গুনাগার তরে কবে কেবা মরিয়াছে ॥ এমন বেহেশ্তে
কাম নাহিক আমার। নেক করে হতে হয় যদি জিনা-
কার ॥ মাতাল বাদশাতে খোদার না পাবে এখতার।
হায়াত কি পেতে পারে মাতাল জিনেকার ॥ পাক
পাকিজা খুশি হইবে সেথায়। কেমন খুশি আছে তথা
তাকি বলা যায় ॥ খোদার কলামে যেত্না তবে মোরা
পাই। শুনহ দিল দিয়া তোমায়ে শুনাই ॥ খোদা পাক
বাদশাহত করিছে সেথায়। দিন রাত খোদার নুরে সেথা
আলো হয় ॥ সূরজ নাহিক সেথা নাহিক সেতারা।


খোদার নুরের কাছে তারা গেছে মারা ॥ ফেরিস্তারা
 ফিরিতেছে হাজার হাজার । তাদের শুমার করে তাকত
 কাহার ॥ গাইতেছে দিন রাত্তি পাক পাক পাক । তাদের
 দেখিলে বান্দার লেগে যায় তাক ॥ গায় খোড়াদের ফের
 করয়ে সিজ্দা । ইসার গুনের বাত কহিতেছে সদা ॥
 খোদার জলাল তারা করিছে জাহির । পাকিজা সকলই
 তার অন্তর বাহির ॥ নাপাকির নাম তুমি পাবে না সেথায় ।
 নাপাক আদমি সেথা জগা নাহি পায় ॥ তবে যে বলে
 ছর শরাব পাওয়া যায় । আক্কেল হয়েছে খফ্‌ৎ পাগল
 সে হয় ॥ ভাল নেক মরদে যদি ছর সব পায় । নেক
 আওরত হলে তবে কি হবে উপায় ॥ অওরত তো আছে
 বহুত নেক কাম করে । হইবে দাখিল ভেস্তুে মোউতের
 পরে ॥ মরদ যদি পায় ভেস্তুে বাহান্তর ছর । বাহান্তর
 খসম পাবে আওরত জরুর ॥ লাড়কাবালা হবে তবে আস
 মান উপর । আসমানেতে রবে তবে মোউতের ডর ॥
 তবে সে আসমান নহে ছুনিয়া হইবে । ছুনিয়া আসমানে
 ফরক কিছু নাহি রবে ॥ অতএব বলি শুন মুসলমান ভাই ।

জিসমানি কোনই চিজ বেহেস্তেতে নাই ॥ জিসমের
 খাহেশ যে পুরা করিবারে । নানা তরেহ এই খানে কৌশিশ
 করে ॥ ছুনিয়াতে বলে থাকে যারে গুনাগার । তাহার
 কি হয় জগা বেহেস্ত মাঝার ॥ তাহার নফরত যদি
 মোরা সবে করি । করিবে না কি আল্লা তালা আসমান
 উপরি ॥ যদি আল্লা হেন লোকে জগা নাহি দেয় । তবে
 কি দিবেক করতে গুনাহ সেথায় ॥ এ বাত বাওর লায়েক
 কভি নাহি হয় । ছর শরাব নাই সেথা জানিহ নিশ্চয় ॥
 তখত আছয়ে সেথা আল্লাহ তালার । জওহারতে তৈয়ার
 আছে সফেদ রং তার ॥ তাহার উপরে বসি আছে রুহ
 আল্লা । সকলের বড়া সেই সকলের বাল ॥ মজমুয়া
 হইয়া সেথা আছয়ে মোমিন । জলাল তাহার কভি না
 দেখে জমিন ॥ খুস ও খুর্রম আছে পাক জন যত ।
 আলার বড়াই তাহারা করিতেছে কত ॥ করিছে
 নমাজ ফের সিজদা করিতেছে । তাহার জলাল
 তারা জাহির করিছে ॥ তাহারই তারিফ তারা
 গাইছে হাজার । গাইছে নানান গীত কে করে

শুমার ॥ নজাত দেহেন্দা যে খোদার ফর্জন্দ । যাহার
দৌলতে মোমিন হয়েছে আনন্দ ॥ তাল পাতা লয়ে
সবে আপনাদের হাতে । তাহারই গাইবে তারিফ বহু
বহু মতে ॥ ছুনিয়াতে আছে ষত আদ্মির ফিকের ।
আসিবে না এক বারও তাদের দিলে ফের ॥ না থাকিবে
মোমিন কভি বিমার সেথায় । না থাকিবে সেথা কভি
মউতের ভয় ॥ না থাকিবে সেথা কভি পানির খাহেশ ।
না থাকিবে সেথা কভি ছুংখেরও লেশ ॥ খোদা তাদের
চোকের পানি খুদে মুছাইবে । ছুংখ বিমারি সেথা আর
নাহি হবে ॥ মৌত হবে না সেথা ফের কভি আর ।
মৌতের হাত তারা হয়ে যাবে পার ॥ খাইবার ফিকের
সেথা আর নাহি হবে । হেথাকার যত কিছু হেথা রয়ে
যাবে ॥ এই তরেহ বেহেস্তেতে খোদার সেবা হবে ;
এই তরেহ বেহেস্তেতে পাক লোক রবে ॥ করিবে
খোদার সেবা সব জন মিলে । সেবা বই আর কিছু
ভাবিবে না দিলে ॥ পাক দিল লয়ে সেবা করিবে তাঁহার !
না হইলে পাক দিল হবে নাক পার ॥ যা কিছু করিব

সব পাক হওয়া চাই। নতুবা বেহেস্তে কেহ পাবে নাক
 চাই ॥ জরা গুনাহ করেছিল ফেরিস্তা এক জন। হাঁকা-
 ইল ভেস্তু হতে তাহারে তখন ॥ নাফা আশা রবে
 নাক সেখানে কখন। উমদা খানা পাবে নাক
 সেথা কোন জন ॥ জরু খসম ঘর করা সেথা নাহি
 হয়। সওয়ারির তরে ঘোড়া সেথা নাহি রয় ॥
 খোদার বন্দিগি করি নফা উঠাইবে। এই মত ভাব যার
 দিলেতে রহিবে ॥ মারা গেছে সেই জন জানিহ নিশ্চয়।
 তাহার নজাতের আছে অতি বড় ভয় ॥ হুর পাব জরু
 পাব শরাব পাব পিতে। ভাল ভাল ঘোড়া আছে সেথায়
 চঢ়িতে ॥ ভাল ২ মকান আছে থাকিতে সেথায়।
 মোমিন পাইবে যবে বেহেস্তেতে যায় ॥ এ সব খুদগরজি
 কথা বেহেস্তেতে নাই। খুদগরজি সেথা কভি চলিবে না
 ভাই ॥ খুদগরজি ছেড়ে দিয়া পাক দিল হবে। তবে
 ভাই বেহেস্তেতে জগা তুমি পাবে ॥ যেতে হলে এই
 ভেস্তু এক রাহা আছে। খোদাওন্দ ইমা মশীহ চল
 তাঁর কাছে ॥ বড় মেহেরবান সেই ছুনিয়া মাঝারে।

আপনার জান দিয়া বাঁচায় গুনাগারে ॥ কে এমন করি-
 য়াছে ছুনিয়াতে বল । আপানার করে কাম দেখহ
 সকল ॥ লহু বহাইয়া আর আপন জান দিয়া । নজাতের
 চশমা দিল তোমারে খুলিয়া ॥ এখন নজাত সেই লইয়া
 তোমায় । ডাকিছে হমেশা দেখ আয় আয় আয় ॥ নজাতের
 পিয়াস যদি লাগিয়াছে তোরে । আসিয়া আমার কাছে
 পিও দিল ভরে ॥ পয়সা লাগিবে নাক মুফত পাইবে ।
 যেই জন ইমান আনি তাঁর কাছে যাবে ॥ আর যত দেখ
 তুমি কোন কামের নয় । ফেরিবি দেখহ তুমি হয় কি না
 হয় ॥ আপনার মতলব সবে হাসিল্ করিবারে । করি গেল
 নানা কাম ছুনিয়া মাঝারে ॥ খোদাওন্দ মশীহ যত কাম
 করিয়াছে । নজাত দেহেন্দার সাবুত বহুত দিয়াছে ॥
 মান্ধহ নজাত তুমি আসি তার ঠাই । জরুর জরুর তুমি
 বাঁচি যাবে ভাই ॥



বিজ্ঞাপন ।

—ঃঃ—

নীচের লিখিত কেতাব সকল কলিকাতা
চৌরঙ্গী রোড ২৩ নং ভবনে পাওয়া যায় ।
বিক্রীওয়ালারা বহুৎ কমিশন পায় ।

গুনাহ ও নজাৎ ৫

ছোট মিশ্রণের কেছা ৫

পএদাএশ নামা ৫

বেহেস্তের বয়ান ৫

গুনাহগার আউরতের বয়ান ৫

ছিপাহ মালার নামান সাহেবের কেছা ৫

গাহেনের কেতাব ৫

এই সব কেতাব ছাড়া এই দোকানে তৌরৈত
জবুর, ইঞ্জিল ওগায়রহ নানা রকম মুছলমানি
কেতাবও বিক্রী হইয়া থাকে ।